



Broj : 01/21-02-1508-1/22  
Datum : 27.7.2022.godine

Primijeno: 29-07-2022			
Org. jed.	Broj	Priloga	Vrijednost

**PREDSTAVNIČKOM DOMU  
PARLAMENTA FEDERACIJE BiH**

Odbor za boračka i invalidska pitanja Predstavničkog doma Parlamenta Federacije BiH (u daljem tekstu: Odbor), na 10. sjednici, održanoj 27.07.2022. godine, razmatrao je sljedeći:

**DNEVNI RED**

1. Usvajanje Zapisnika sa 9. sjednice Odbora za boračka i invalidska pitanja;
2. Inicijativa za autentično tumačenje člana 7. tačka 2. Zakona o pravima branilaca i članova njihovih porodica i člana 31. Zakona o državnoj službi FBiH;
3. Zahtjev za hitno rješavanje statusa Organizatora otpora i dodjele Medalje otpora – Udruženje branioca „Organizatori otpora“ u Općini Bužim;
4. Zahtjev za održavanje sjednice shodno Zaključku Odbora za boračka i invalidska pitanja – Silajdžija Murat;
5. Zahtjev za otklanjanje diskriminacije – Safet Skorupan;
6. Nacrt Uredbe o izmjenama i dopunama Uredbe kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sreću;
7. Tekuća pitanja.

Na osnovu člana 44. st. 1. i 2., a u vezi člana 76. Poslovnika Predstavničkog doma Parlamenta Federacije BiH, Odbor za boračka i invalidska pitanja Domu podnosi sljedeći:

**IZVJEŠTAJ**

Predsjednik Odbora je predložio da se u dnevni red uvrsti, kao tačka 6. Nacrt Uredbe o izmjenama i dopunama Uredbe kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sreću. Članovi Odbora su jednoglasno podržali prijedlog, te je dnevni red razmatran kako je navedeno iznad.

## **1. Usvajanje Zapisnika sa 9. sjednice Odbora za boračka i invalidska pitanja Predstavničkog doma Parlamenta Federacije BiH**

Članovi Odbora su jednoglasno usvojili Zapisnik sa 9. sjednice Odbora za boračka i invalidska pitanja Predstavničkog doma Parlamenta Federacije BiH, održane 30.5.2022. godine.

## **2. Inicijativa za autentično tumačenje člana 7. tačka 2. Zakona o pravima branilaca i članova njihovih porodica i člana 31. Zakona o državnoj službi FBiH;**

Odbor je donio sljedeći:

### **ZAKLJUČAK**

Odbor za boračka i invalidska pitanja Predstavničkog doma je stava da, obzirom da je član 7. tačka 2. Zakona o pravima branilaca i članova njihovih porodica izvan snage a predmetna prava su definirana drugim članom postojećeg Zakona koji je jasan, autentično tumačenje nije potrebno.

Zaključak je usvojen jednoglasno.

### **3. i 4.**

- **Zahtjev za hitno rješavanje statusa Organizatora otpora i dodjele Medalje otpora – Udruženje branioca „Organizatori otpora“ u Općini Bužim;**
- **Zahtjev za održavanje sjednice shodno Zaključku Odbora za boračka i invalidska pitanja – Silajdžija Murat;**

Predsjednik Odbora je predložio da se tačka 3 i tačka 4 razmatraju kao jedna tačka. Članovi Odbora su jednoglasno podržali prijedlog.

Odbor za boračka i invalidska pitanja je donio sljedeći:

### **ZAKLJUČAK I**

Odbor za boračka i invalidska pitanja Predstavničkog doma predlaže Vladi Federacije Bosne i Hercegovine i resornom Ministarstvu da po skraćenoj proceduri predloži Parlamentu Federacije Bosne i Hercegovine izmjene člana 1. Zakona o posebnim pravima dobitnika ratnih priznanja i odlikovanja i članova njihovih porodica, gdje se prekluzivni rok briše.

### **ZAKLJUČAK II**

Odbor za boračka i invalidska pitanja Predstavničkog doma traži od Vlade Federacije BiH da u roku od 30 dana donese Uredbu o utvrđivanju kriterija, načinu i postupcima za dodjelu Medalje otpora.

Zaključci su usvojeni jednoglasno.



## **5. Zahtjev za otklanjanje diskriminacije – Safet Skorupan;**

Odbor je po ovoj tački donio sljedeći:

### **ZAKLJUČAK**

Odbor za boračka i invalidska pitanja Predstavničkog doma Zahtjev za otklanjanje diskriminacije, koji je uputio g. Safet Skorupan, iz Sarajeva, smatra izvan ingerencija ovog Odbora i kompetencija da zauzima stav po istom.

Zaključak je usvojen jednoglasno.

## **6. Nacrt Uredbe o izmjenama i dopunama Uredbe kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sreću;**

Odbor je jednoglasno donio:

### **ZAKLJUČAK**

Odbor za boračka i invalidska pitanja Predstavničkog doma, uz konsultacije sa resornim Ministarstvom, prihvata Nacrt Uredbe o izmjenama i dopunama Uredbe kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sreću.

Zaključak je usvojen jednoglasno.

## **7. Tekuća pitanja**

Po ovoj tački dnevnog reda nije bilo rasprave.



**PREDSJEDNIK ODBORA**

Adzem Dževad, s.r.